

# In camel ei naschius a Breil

Il clima da Breil cunvegn als treis camels dalla famiglia Schneider

DA SUSI BEARTH

■ **La fin d'avrel ha Naga, il camel d'Erika e Toni Schneider da Breil, parturiu in pulein. Damai che negin haveva encurschiu che Naga porti ei la naschientscha d'Alma stada ina pulita sorpresa.** Ils 24 d'avrel cu Alma ei naschida pesava ella entuorn 35 kilos ed era gia in dètg camel. Tuttina raquantan ils possessurs *Erika e Toni Schneider* che negin havevi encurschiu ch'il camel Naga purtavi. «La sorpresa ei stada gronda cu jeu haiel mirau da finiastra cuschina ora e viu ch'in tgau vargava viado tier Naga», di Toni Schneider. Sia dunna aschunta ch'ella sappi nuota capir nua ch'in aschi grond animal hagi saviu sezuppar. In camel porta endisch meins e miez. Suentier ch'els hagian viu ch'il tgau ed ils peis dil pulein vargaven ora hagi la naschientscha aunc cuzzau 45 minutas. Tut seigi iu bein e senza agid d'in veterinari. In'ura suenter sia naschientscha ei Alma – ella ei ina femella – levada sin peis ed ha encuretqz ils tets da sia mumma. Naga ha acceptau immediat siu pulein. Ils Schneiders che possedan uss ina entira famiglia da camels decidan en circa in onn co ei duei ir vinavon cun quels. Els sappien aunc buca sch'els dettien naven in ni l'uter ni sch'els laschien castrar il mascial. Autruisa savessi quei dar ingeneraziun.

## Camels supportan temperaturas da 50° plus entochen 50° minus

Pils treis camels ei il clima a Breil buns. Biars manegian ch'il camel sibirian cun dus bots che deriva dalla Mongolia stoppi viver en tiaras caudas. El pitescha

denton buc il freid e supporta temperaturas da 50° plus entochen 50° minus.

Gideon, il mascial, ha ovg onns e miez ed ei dapi siat onns e miez tier ils Schneiders. All'entschatta mettevi el quel igl unviern en stalla, mo lu havevi Gideon savens tuos. Per quei hagi el baghegiu ina suoschna en curtin e dapi lu seigien ils camels mai pli stai malsaus, declara Toni Schneider.

Naga, la femella, ei dapi 14 meins a Breil. Biars onns han ils Schneiders elevau alpacas. Cu il davos da quels alpacas fuvu morts duvra il camel Gideon cum-pignia ed aschia hagian els cumprau la femella. Quei seigi stau carezia sin l'emprema eglia. «Gideon haveva plascherun d'haver ina dunna entuorn el e bandunava buca pli quella», di Toni Schneider. Suentier la naschientscha havevien els separau ils camels e Gideon seigi seigliu sur ina seiv d'in meter e miez per star cun sia dunna ed il pulein.

## Animals primars fascineschan igl architect

Igl architect Toni Schneider habitescha dapi 34 onns a Breil. Atgnamein vulevi el emigrar en l'Australia, per motivs da lavur seigi el denton setschentaus a Breil e restaus.

Animals primars fascineschen el ed aschia seigi el vegnius tiels camels. Gideon ha el saviu cumprar dil Walther-Zoo a Gossau. Il schef dil zoo seigi vegnius a Breil per mirar sch'il camel survegni in bien dacasa e sch'il liug seigi adattaus. Sper la casa da Schneider han ils camels ina pastira da 1400 meters quadrats.

Camels tgiran ina relaziun intensiva



Il pulein Alma ei naschius a Breil la fin d'avrel. Tier ses geniturs Naga e Gideon eis ei stau carezia sin l'emprema eglia. Ussa piardan els il pegl d'unviern.

FOTO S. BEARTH

mo tier ina persuna. Pils treis camels da Breil ei quei Toni Schneider che di: «Jeu sundel fascinaus tgei fidonza ch'els han en mei.» Camels parien magari d'esser arrogants, els seigien animals loschs e seigirs da sesez. Els seigien fetg sperts e sap-

pien seglir sur seivs, ses camels seigien denton aunc mai scappai.

## Ils camels attiran l'attenziun

Gia dapi che Schneider posseda ils camels eis el ius a spass cun els. Tras il vitg e dapertu entuorn per ch'els s'endisien vid la gliud e vid il traffic. Surtut la biadia digl architect, mo era auters cavalcheschans savens sil Gideon. Naga ha ussa treis onns e miez e plaunsiu san ins era cavalcar sin ella. Ir a camel san ins cu igl

animal ha treis onns. Savens vegnien famiglias cun affons ed admirien ils camels. Cu els mondien a spass cun els detti ei magari legras reacziuns. In um hagi salidau els cun «sala-malaicum» ed in auter hagi dumandau sch'els mondien a Betlehem. Cu ina dunna hagi viu els hagi ella manegiau ch'ella stoppi ir a casa e seperstgisar tier siu um. Ella hagi buca cartiu a siu um ch'el hagi viu in camel e detg a quel: «Beiba aunc dapli e lu vesas ti dus!»

## Camel sibirian cun dus bots

**Vegliadetgna:** Il camel sibirian sa vegnir entuorn 45 onns vegls.

**Peisa:** Mascial entuorn 1000 kilos e femella entuorn 700 kilos.

**Pavel:** Pastg e fein mischedau cun ina tiarza strom (schiglioc han ei memia bia proteins). Aua. Per bunas prestaziuns survegnan ils camels fretgs e legums, quei han els fetg bugen.

**Aua:** In camel sa star entochen ina jamna senz'aua. Sch'els han propi seit beiban els 200 liters enteifer tschun minutas.

**Tgira:** Mintgaton stergliar. Actualmein piardan els il pegl d'unviern, lu ston ins prender naven quel per ch'ei hagian buca memia cauld. Violar suenter la naschientscha. Far duas, treis gadas ad onn ina cura encunter viarms.

**Sumari:** In camel po purtar 300 kilos. El ha buna cundiziun e sa ir duisch uras al di. (ca. 50–60 km).



Per igl architect Toni Schneider ei tener camels ina recompensaziun tier siu mistregn.



Alma senutrescha da latg-mumma. Plaunet maglia ella era fein e pastg.

reclama

Im Juni bietet das **Profi(t)-Pack PRO** Preisvorteile bis zu Fr. 10'000.-



### Citroën Jumper

ab **Fr. 19'990.-** Hitpreis (ohne MwSt.)  
Fr. 21'509.- (inkl. MwSt.) Jumper Kastenwagen verblecht 29C 2.0i, 110 PS



### Citroën Jumpy

ab **Fr. 17'490.-** Hitpreis (ohne MwSt.)  
Fr. 18'819.- (inkl. MwSt.) Jumpy verblecht Komfort 2.0i-16V, 138 PS



### Citroën Berlingo

ab **Fr. 12'490.-** Hitpreis (ohne MwSt.)  
Fr. 13'439.- (inkl. MwSt.) Berlingo Kastenwagen 1.4i 600 kg, 75 PS



### Citroën C15

ab **Fr. 10'990.-** Hitpreis (ohne MwSt.)  
Fr. 11'825.- (inkl. MwSt.)  
C15 Kastenwagen 1.9 Diesel First, 60 PS  
Im Rahmen des verfügbaren Lagerbestandes

oder **Profi(t)-Pack PRO** Preisvorteile bis zu Fr. 6'000.-

oder **Profi(t)-Pack PRO** Preisvorteile bis zu Fr. 8'000.-

oder **Profi(t)-Pack PRO** Preisvorteile bis zu Fr. 10'000.-

BEI IHREM CITROËN-HÄNDLER

\*Die Angebote gelten für alle zwischen dem 1. und 30. Juni 2005 verkauften und immatrikulierten Fahrzeuge. Fahrzeuge im Rahmen des verfügbaren Lagerbestandes. Empfohlene Verkaufspreise. Beispiel: Jumper Kastenwagen verblecht 35 MH 2.8 HDI, 127 PS, Fr. 38'555.- (ohne MwSt.), Fr. 41'485.- (inkl. MwSt.), Profi(t)-Pack PRO von Fr. 10'000.- (Unterhaltsvertrag Fr. 2'520.- + Prämie von Fr. 7'480.-) Beispiel: Jumpy verblecht Komfort 2.0 HDI, 95 PS, Fr. 25'745.- (ohne MwSt.), Fr. 27'702.- (inkl. MwSt.), Profi(t)-Pack PRO von Fr. 8'000.- (Unterhaltsvertrag Fr. 2'390.- + Prämie von Fr. 5'610.-) Beispiel: Berlingo 2.0 HDI 800 kg, 90 PS, Fr. 20'741.- (ohne MwSt.), Fr. 22'317.- (inkl. MwSt.), Profi(t)-Pack PRO von Fr. 6'000.- (Unterhaltsvertrag Fr. 1'950.- + Prämie von Fr. 4'050.-) Unterhaltsvertrag 3 Jahre oder 60'000 km, inklusive Kontrolle von Verschleiss und Flüssigkeiten. Reifenwechsel nicht eingeschlossen. Kein Nachlass oder Promotion auf Hitpreise. Angebote gültig für Privatkunden; nur bei den an der Aktion beteiligten Händlern.

Unsere Angebote "nach Mass" finden Sie auf [www.citroen.ch](http://www.citroen.ch)



CITROËN empfiehlt TOTAL



**Chur Auto-Wattenhofer AG Tel. 081 257 01 57**

**Laax Garage Cristallina Heinz Welter Tel. 081 921 58 71**

**Thusis Garage Anton Markoff Tel. 081 651 36 66**